


印子齋總錄

百卅九

庫文閣内
三三 漢

内閣文庫	
番號	漢 12609
冊數	200 (138)
函號	300 212





百三十九

全書以正

全書中節句

全書中節句及全書中節句

全書中節句

大學東
校典
局

大德重校聖濟總錄卷第一百二十九

金瘡門

金瘡血不止

金刃傷中筋骨

金瘡煩悶及發渴

金瘡中風水及瘰

金刃腸出

圖書印

總錄一百三十九

忌嗔怒及大言笑思想陰陽行動作勞勿食酸鹹熱酒羹臙之類此乃人所易為者今兼叙之

金瘡血不止

論曰血行脉中周行灌溉而無窮已金刃所傷者深則其流湍激若海洩河决禦之至難要在杜其衝溢之勢外觀其形內訂其脉之如何若血出不斷其脉大而止者為難治若血出不止前赤後黑或黃或白肌肉腐殞寒冷鞫急者亦為難治不可不察也

治金瘡止血悶及疼痛麻黃散方

麻黃去節壹兩半

甘草炙

白芷

附子炮裂去皮臍

乾薑炮

當歸切

續斷

黃芩去黑心

芍藥

芎藭

桂去麤皮各半兩

右一十一味搗羅為散每服二錢匕溫酒調下空腹日午夜臥各一服可加至三錢匕治刀斧所傷并箭傷血出不止諸藥貼不住者神奇散

方

麒麟竭研

沒藥研

自然銅煨令紫

天南星炮

乾薑燒灰

鉛丹炒黑

膩粉

瓦蘇各壹分

麝香研少許

右九味搗研為散拌勻每用藥貼瘡先以鹽水洗過
燒葱研汁塗瘡上然後乾摻藥貼之

治金瘡定痛止血滅癥麒麟竭散方

麒麟竭別研 突厥白別研各 蜜陀僧別研如

石灰以小便壹斛浸三五日後

右四味合研令細但是金刃所傷厚以散傅之以帛

封裹勿令著外風及露水三日後開不見癥痕

治刀刃所傷血出不止南星散方

天南星參枚切焙 鉛丹錢半

右二味搗羅為散乾貼立定

治金瘡血出痛甚檳榔散方

白檳榔剉 黃連去須各

右二味搗羅為散傅之血斷痛止

治一切刀斧所傷血出不止并久患惡瘡如神散方

龍骨研 虎骨炙研 鉛丹以火燒令通

丹砂研 膩粉各壹 麝香研少

乳香壹塊皂

右七味同研極細一切瘡以黃連湯或鹽湯洗拭乾

摻藥在瘡上不得以衣露著瘡口

治金刃所傷血出不止黃連散方

黃連須去

檳榔剉生

木香

白芷各半

右四味搗羅為散，搽所傷處，血即止。如婦人血運，以童子小便調下一錢。如藏毒瀉血，以水煎服。

治金瘡或竹木所刺出血不止及疼痛桃紅散方

乾葛粉

染烟脂各壹兩

右二味研細，乾搽在瘡上，又用青絹以雞清塗絹，可瘡口大小貼之。仍先用篋子按去血，令藥與肉平方，以青絹蘸雞清貼之。

治金瘡止血方

重午日日未出時，採百草頭唯藥苗多，即尤佳。不限多少，搗取濃汁，又取石灰三五升，相和搗作餅子，暴乾為末，治一切金瘡血出立止，兼治小兒惡瘡。

治金瘡血不止刀箭藥方

石灰

遠年船上燒壹兩 龍骨研半兩

鉛丹炒參錢

狗腦骨燒灰半兩

右四味搗羅為末，傅瘡上。

治金瘡止血生肌白芷膏方

白芷

熟乾地黄焙

當歸切焙各壹兩半

白欵壹兩

芎藭壹兩

蜀椒去目并閉口炒出汗參合

附子炮裂去皮甘草炙半兩

右八味細剉以豬脂五斤合和煎三上三下藥成膏

去滓輒輒得所每日塗瘡上頻塗即効

治金瘡止血定痛風化散方

風化石灰末升壹乾薑參分生用 生栗子末

白藥末各伍兩

右四味取端午日擣羅為散凡有金瘡即傅之

治金瘡石榴花散方

石榴花暴乾石灰炒壹

右二味搗羅為散取少許傅瘡上捺少時血斷便差

治刀斧傷止血生肌蠶蛾散方

晚蠶蛾生為細散

右一味以藥散摻絹帛上裹之効

治金瘡血不止五倍散方

五倍子生為細散

右一味乾貼血立定

治金瘡止血定痛生肌石灰膏方

石灰末炒杏人湯去皮尖雙

豬膏半斤

右三味合煎令杏人黃藥成絞去滓塗瘡上日夜五

六度
治金瘡止血桑皮汁方

右急研桑白皮汁塗之血便止如不止更取白皮裹
瘡上令汁得入瘡中冬月用桑根皮亦佳

治金瘡止血灰礦散方

古窰石灰 紫礦各半兩

右二味同為散傅之

治金瘡血出腹脹欲死蒲黃散方

蒲黃 生乾地黄焙各壹兩半

甘草炙判參分 黃耆判 當歸焙切

芎藭 白芷 續斷各壹兩

右八味搗羅為散每服三錢匕空心酒調下日三四
服血化為水下若口噤幹開口與之仍加大黃一兩

半

治金瘡血不止疼痛生肉速差石杏膏方

石灰 杏人湯浸去皮尖雙人炒各貳兩研

右二味都用豬脂一升煎去筋膜調塗

治刀斧傷瘡或至筋斷葵根傅方

右取葵菜根搗傅之

金刃傷中筋骨

論曰金刃所中至於筋骨所傷深矣然折骨絕筋亦可
接續要在乘血氣未寒急施治法若不乘熱則風冷易
入瘡縱暫愈後必不仁亦致痛煩而終身不完至於小
碎之骨即當出之不爾則膿血不絕肌亦不斂矣
治金瘡傷中筋骨續斷散方

續斷散 乾地黃焙 地榆

芍藥 蛇吻 甘草炙

當歸切 芎藭 附子炮裂去皮臍

人參 杜蘅 肉蓯蓉酒浸切焙

乾薑炮 細辛去苗葉各壹兩 桂去麤皮壹兩半

蜀椒去目并閉口者炒出汗半兩 牡蠣煨研壹兩

右一十七味除研者外搗羅為散再拌令勻每服三錢匕以溫酒調下空腹日午夜臥各一服

治一切金刃傷及筋骨風冷所中疼痛骨碎補丸方

骨碎補炙去毛 敗龜炙醋 虎骨酒炙

澤蘭葉 山芋 白薇各壹兩

自然銅煨醋淬 山茱萸 桂去麤皮各壹兩

當歸切 熟乾地黃焙 五味子

乾薑炮各半兩 肉蓯蓉切焙 白檳榔生剉

附子炮裂去皮臍各壹兩 肉豆蔻去殼

右一十七味擣羅為末鍊蜜丸如梧桐子大每服二十九丸空心溫酒下欲作散每服一錢匕溫酒調下並空心日午臨臥服

治金刃弓弩所中筋急不得屈伸敗弩筋散方

敗弩筋燒作灰 秦苺去苗土 熟乾地黄焙各半兩

附子炮裂去皮臍壹兩 大棗參枚取肉焙 杜仲去麤皮炙半兩

當歸切焙壹兩

右七味擣羅為散每服二錢匕溫酒調下空腹日午夜臥各一服

治金刃傷筋骨止血地菘苗散方

地菘苗 石灰末 旋復苗

葛葉 青蒿苗 麥門冬苗各伍兩

右六味除石灰外切碎擣絞取汁和石灰作餅子暴乾再擣羅為散傅瘡上五月五日合佳

治金瘡續筋骨歛血止痛葛葉散方

葛葉 地菘苗 續斷

石灰末 旋復花 地黃生用

益母草 麥門冬去心各伍兩

右八味搗絞七味取汁和石灰調作餅子暴乾再擣為散傅所傷處

治金瘡接筋補骨檳榔散方

檳榔

黃連

去須並
生用

右二味等分搗羅為散乾傅之

治金瘡續筋骨百草散方

右五月五日取百草心和石灰搗熟成塊鑿桑木北面近下作孔圍藥在內外又以桑木補孔并皮覆釘四畔令固至七月七日取暴乾為散傅瘡大良

治金瘡續筋骨旋復汁方

右以旋復根搗汁滴瘡中仍以滓封瘡上至半月筋自續更不用易

又方

右以石灰細篩以麻油和之作團如栝樓許大以炭火燒赤放冷搗篩為末又以油和燒凡如此十遍為細散傅瘡神效

又方

右取葵菜根爛搗傅之立差

金瘡煩悶及發渴

論曰金瘡煩悶者以血出太甚經絡空虛而發熱躁也經所謂陰虛生內熱陽虛生外寒者如此其有發渴者亦以經絡之竭津液枯燥故欲引飲

治金瘡煩悶疼痛不止白薇散方

白薇

栝樓

枳實去瓢

辛夷去毛

甘草炙

石膏研如粉

厚朴去麤皮生薑汁炙

酸棗人炒各半兩

右八味搗羅為散每服二錢匕溫酒調下空心日午

臨臥半夜各一服

治金瘡煩悶欲死大小便不通消石散方

消石鍊

寒水石研

栝樓根

澤瀉

白欬

芍藥各壹兩

又右六味搗羅為散每服二錢匕溫水調下空心日午

臨臥半夜各一服

治金瘡煩悶及渴內補瞿麥散方

瞿麥穗

芍藥

細辛去苗

栝樓炒

芎藭

當歸焙切

甘草炙

乾薑炮

熟乾地黄焙

防風去

續斷

蜀椒去目并閉口者炒出汗

人參

辛夷去毛

牡蠣煨

栝樓根

白欬各半兩

桂去麤皮

厚朴去麤皮生薑汁炙各壹兩

右一十九味搗羅為散每服二錢匕熱水調下空心

日午臨臥半夜各一服筋骨斷者加續斷三分
治金瘡煩悶白芷散方

白芷

甘草

芎藭各壹兩

右三味細剉炒令變色搗羅為散每服一錢匕溫熟
水調下空心日午臨臥半夜各一服

治金瘡煩悶止煩石膏散方

石膏研

甘草炙剉各貳兩

右二味搗羅為散每服二錢匕溫熟水調下空心日
午夜臥半夜各一服

治金瘡煩悶疼痛大便秘不利大黃丸方

大黃剉碎微炒

黃芩去黑心各壹兩

右二味搗羅為末鍊蜜和丸如梧桐子大每服十五
丸加至二十九丸熱水下空心日午臨臥各一

治金瘡煩滿苦酒煮豆方

赤小豆舂

右以苦酒二升熬至一升去滓色黑始服每服二合
空心日午夜臥各一

治金瘡煩痛磁石散方

磁石伍兩

右一味搗羅重研為細散量瘡口大小以意傅之止

痛斷血

治金瘡出血必渴當忍噉燥食不飲粥若犯房即殺人

方

雄黃 不計多少

右一味研為細末量瘡口大小傅之瘡中惡汁出即

差

金瘡中風水及瘕

論曰金瘡中風水者以封裹不密所致也中風之候其瘡卒無汁中水之候則出青黃汁而又疼痛發作肌肉腫鞭將為瘕狀可急治之凡瘕狀口急背直搖頭馬鳴

腰為反折須臾十發氣息如絕汗出如雨治不可緩緩則不救

治金瘡辟風水續筋骨止血傅八仙散方

石灰 風化者拾兩

地菘苗 新者切兩細辛去苗

旋復根 研切

新葛葉 切研無即

青蒿 新者切研

麥門冬苗 各半 豬膏 去筋膜半斤

右八味除石灰豬膏外將六味搗研絞取汁和石灰并豬脂按研作餅子暴乾搗羅為散再研之如粉以傅瘡口上止血定痛生肌五月五日合之

治遠年傷折忽因風氣不和於舊傷處疼痛不可忍者

熟乾地黄丸方

熟乾地黄肆兩 杏人湯退去皮尖

牛膝去苗酒浸焙

菟絲子酒浸焙搗 肉苁蓉酒浸切炒

萆薢炒各壹兩 桂皮去麤

訶梨勒煨熟去核半兩 升麻參分

右一十二味除杏人外擣細羅為末入杏人別擣再

羅勻鍊蜜和擣三千下丸如梧桐子大每服空心溫

酒下二十九至三十九

治金瘡止血黑散子方

熟乾地黄丸方

熟乾地黄肆兩 杏人湯退去皮尖

牛膝去苗酒浸焙

菟絲子酒浸焙搗 肉苁蓉酒浸切炒

萆薢炒各壹兩 桂皮去麤

訶梨勒煨熟去核半兩 升麻參分

右一十二味除杏人外擣細羅為末入杏人別擣再

羅勻鍊蜜和擣三千下丸如梧桐子大每服空心溫

酒下二十九至三十九

治金瘡止血黑散子方

大黃參兩半童子小便浸

黃半兩錢肆拾玖文以銅線繫

羊脛炭壹握染莖米醋

右四味擣研為細散隨傷損大小貼之疼痛立止更

無癥痕及能出箭頭止血大効婦人一切敗血極者

可服一字溫酒調下

治金瘡中風及破傷風急風散方

草烏頭參兩將壹兩半以火燒灰存性於

生黑豆壹分同烏頭壹處杵為末 丹砂研壹兩

麝香研壹分

右四味再合研令勻如出箭頭先用酒一盞調藥半錢服之後以藥點箭瘡上如破傷風以酒一盞調半錢服

治因金瘡中風反强者雞屎白豆淋酒方

雞屎白壹合 大豆陸合

右二味炒令大豆焦黑次入雞屎白同炒乘熱瀉於三升酒中密蓋良久瀘去滓每服五合如人行五里更一服汗出佳未差即更作服之以汗出為度服後宜喫熱生薑稀粥投之

治金瘡中風角弓反張塗封方

生雞子壹枚 烏麻油兩

右二味先將雞子打破與麻油相和煎之稍稠待冷即塗瘡上封之

治傷折折骨諸瘡腫者慎不可當風臥濕及取涼若為風濕所傷則發痙口噤殺人若已中風覺頸項強身中拘急羌活飲方

羌活去蘆頭壹兩 竹瀝參盞

右二味將羌活麤擣篩以竹瀝同煎去一半去滓分溫三服若口噤者發口灌之作瀝法可將十餘莖新竹青每莖一尺五寸截斷用火炙逼中央使兩頭取

其汁瀝亦可別作數束燒取汁可救急立驗日夜可
五六服

治金瘡中風瘕浸酒方

雞屎白參升炒黃

右一味以生絹袋盛入瓷瓶中與酒六升火煨浸半
日去滓溫服五合日三夜一并取苜蓿根搗作餅子
當瘡上安著以炙上熱徹黃水出取差

治金瘡中風必効酒方

蒜肆破去心頂壹升

右一味以無灰酒四升煮蒜令極爛并滓每服取五

合頓服之

治金瘡或打擊破瘡等風入口閉牙噤身強欲死宜浸

酒方

雀屎炒研半合

右一味以酒七合煮至五合濾去滓令溫頓服腹中
轉動當時愈若不能開口發開灌之

治金瘡中風角弓反張杏仁酒摩方

杏仁碎研生用不去皮尖參斤

右一味蒸令一饋久更研令極細入酒三升絞取汁
每服五合日二夜一汗出慎外風即愈兼將杏仁酒

汁摩瘡上

治金刃傷破見骨中風口噤豆淋酒方

大豆

炒去腥半熟勿使太熟伍升

右一味麤搗篩蒸一饌頃傾出盆中以酒一斗五升

淋之絞去滓每溫服五合至七合日二夜一衣覆微

汗出別研生杏仁膏傅於瘡上若腦髓出者難救

治被打傷損因瘡中風蘇木酒方

蘇木

推令爛碎貳兩

右一味用酒二升煎取一升分三服空心午時夜臥

各一

治被打傷損因瘡中風蠶子酒方

蠶子

不拘多少

右一味將刀子於紙上量事刮取約一錢匕細研煖

酒三合至五合調服之如人行十里更一服

治金瘡中風蜀椒罨方

蜀椒

生完用去目參兩

右一味量瘡口大小用麪作餛飩瘡灰中炮令熟及

熱開一孔當瘡上罨之劫引風出可作數十枚更番

用之溫冷即換

治因金瘡中風口噤不能語法灸方

蔓菁子淨洗壹升

右一味搗令極爛捏為炷灸瘡上三兩炷熱徹即差

治金瘡中風搐搦角弓反張芎藭根塗方

芎藭根

右一味量瘡大小截令平如無大者並縛數根以稱

瘡為度別以豬脂一合鹽末一雞子黃大相和熟煎

令如膏將芎藭根平處蘸膏溫坐瘡上冷即易之以

差即止宜避外風

治傷折不能避慎令人中風發瘳口噤若已覺中風頸

項強直身中拘急者急先服此竹瀝飲方

竹瀝參升

右一味先溫煖分作五六服發口灌之

治金瘡中風骨痛不可忍麻根飲方

大麻根葉無問多少

右一味搗研絞取汁飲三合至四合無青者以乾者

煎取汁服亦主墮墜打損有瘀血在心腹令人脹滿

短氣也

治金瘡中風寒水腫胡粉膏方

胡粉 炭灰各半兩

右二味以豬膏量藥調和塗瘡孔上出水便差

治金瘡中風水瘕欲死兼治一切金刃箭鏃等瘡葛根湯方

生葛根一升

右一味剉搗以水一斗煮取五升去滓每服一盞空腹日午夜臥各一服無生葛卽用乾者搗爲散溫酒調下二錢匕若口噤強開之更宜以竹瀝三合灌之治金刃一切傷損辟風水等方

五月五日平旦使四人出四方各於五里內採一方草木莖葉每種各半把勿令漏脫一事於正日午時細切確搗并石灰極令爛熟一石草一斗石灰先鑿

大實中桑木合可受藥取藥內孔中實築令堅仍以桑木皮蔽之以麻搗石灰極稠泥之令不泄氣又以桑皮纏之使牢至九月九日午時取出陰乾百日藥成搗之日暴令乾更搗絹篩貯之凡一切金瘡傷折出血以藥封裹治使牢勿令動轉不過十日卽差不腫不膿不畏風若傷後數日始得藥須煖水洗之令血出卽傅之良平生無事宜多合之以備倉卒金瘡之要無出於此它藥不能比也

治金瘡腫痛因中水及中風仍衝寒露濕氣其腫入腹則殺人宜熏之方

右取黍瓢并牛馬乾糞及桑條輩多烟之物於坑中
都燒令煙出乃以板蓋坑上開板作小孔以瘡口痛
處安孔上熏之令瘡上出汁乃差

治金瘡中風疼痛不可忍芎藭湯方

芎藭

防風去

當歸焙

羌活去蘆頭 甘草炙

各壹兩

分

右五味咬咀如麻豆大每服六錢匕水二盞煎至一
盞去滓熱服蓋覆出汗若不汗加麻黃去節一兩桂
去麤皮三分湯成又加竹瀝半合

治金瘡因風水腫鹽韭傅方

右取韭并鹽搗各等分置瘡上以火炙藥上熱徹即
愈

又方

右取櫟木根皮三斤細剉用水二斗煮沸內鹽一合
時以漬瘡腫膿血當出便差

又方

右取蠟不計多少鎔了入鹽少許滴在瘡中人驗

又方

右取鹿角不限多少燒末細研以臘月豬脂和塗之
久不差者不過五七上差

又方

右取白茅根不限多少燒爲灰湯和傅瘡上取差

又方

右取牛膝末不限多少水調塗之取效

又方 金刃腸出

論曰金刃所傷有腸出者有腸出已斷者視其輕重之證可決死生腸有一頭見者不可續也若腹痛不可忍短氣不能食近則一日遠則三日治無及已腸有兩頭見者可速以桑白皮按爲線或以麻縷續之仍取雞血塗隙勿令氣泄推內之更以前線縷綴縫瘡口亦以雞

血塗之腸有出而不斷者當以大麥粥取其汁洗腸而內之綴縫瘡口如前法然後作研米粥飲二十餘日稍作強糜百日後始得飯食不可飽飽則腸痛宜常以湯散助之

治一切金刃箭鏃傷中及打撲傷損猫犬咬傷或至死者急於傷處摻藥其血化爲黃水再摻藥便活更不疼痛如內損血入府藏熱煎童子小便入酒少許調一大錢匕服之立効若牛舐腸出不損者急內入取桑白皮尖茸按爲線縫合腹皮縫上摻藥血止立活如無桑白皮用生麻縷亦得並不得封裹瘡口恐作膿血如瘡乾

以津潤之然後摻藥婦人產後敗血不盡血迷血運惡
血奔心胎死腹中胎衣不下至死者但心頭暖急以童
子小便調一錢匕取下惡物如豬肝片終身不患血風
血氣若膈上有血化為黃水即時吐出或隨小便出立
効花藥石散方

花藥石 搗為麤末 壹斤 上色硫黃 搗為麤末 肆兩

右二味拌和令勻先用紙筋和膠泥固濟瓦罐子一
枚候泥乾入藥在內密封口暴乾安在四方磚上上
書捌卦用炭一秤籠匝自己午時從下生火令漸向
上經宿炭消盡放冷細研羅過瓷合盛依法用

治金瘡腸出宜入之磁石散方

磁石 研 滑石 研

右二味等分同研極細每服一錢匕以溫酒調下空
腹日午晚間各一服夜臥二服及以鍼砂塗腸上其
腸自收入

治金瘡腸出鐵精散方

鐵精末 研 磁石 研 滑石 研

右三味等分同研極細粉腸上後以溫酒調下一錢
匕空腹日午夜臥各一服夜半再一服
治金瘡中腸出不能入小麥飲喫瘡方

右以小麥三升用水九升煮取五升綿濾過候冷含
噴瘡上漸入以冷水噴其背不宜多令人見亦不欲
令傍人語又不可令病人知或尚未入取病人臥席
四角令病人舉身搖須臾腸自入十日內食不可飽
頻食而少勿使病人驚驚則殺人

治金瘡腸胃脫出令却入方

右取人乾屎末不以多少摻腸乾取濃麩漿濕腸上
卽入腸以冷水噴面令吸氣卽易入

大德重校聖濟總錄卷第一百三十九

